

樹經堂詩初集

蘇潭草上

南康謝啟昆蘊山

哭伯兄穎園二首

歎息原鶴折翼多桓山有曲不成歌陟岡行役銜長恨
隕萼中年感逝波每遇秋風思大被怕聽夜雨打枯荷
斜陽九日名山書臺路尚記肩隨策馬過

京口邗江一再來官齋接席共銜杯菜奠徧插雁行缺
萱草方榮荆樹摧賴有諸兒肯堂構獨憐予季守蒿萊
宣城此去雲山疊池草園禽助宿哀

時將赴宣
州之任

哀慕詩五首

淒風西北來庭樹撼鳴葉上有夜烏啼下有露蛩泣前
年喪我父今年喪我母麻衣淚未乾繭足奔恐後怙恃
奪何速百身已莫贖窮鳥無所依高齋未可宿母德在
人間宣州萬戶哭古柏摧青枝宛溪咽寒谷

憶昔襁褓時阿三呼我名繞膝索棗栗癩瘕恒心驚瘍
瘰及頭項憐我懼且清十歲就外傳誦讀寬課程忽忽
策名後寒暑二十更少不知愛日長復慕虛聲舍飯不
能視鼎俎安足榮蓼莪廢三歎創痛何時平

鳩扶賁京口其年歲在辰侍從挾昆季月夕兼花晨亦
越邗江守觀政浹十旬吾母畏跋涉兩度阻魚軒每聆
過庭訓益戀慈顏溫乞養佇十載下情例可陳誰料天
不弔疊摧椿與萱如彼集蓼蟲多難嘗苦辛霜露日以
積孤根空自春

伯兄捐館舍嗟彼年未耄風雨折其翼哀哀其命鳥歸
來醉新墳淚痕漬宿草悲余弱植人奄忽傷速老有弟
嗣世父終天恨同抱執手語嗚咽遭家實不造仔肩憫
余獨寤言擬有標

庚歲被

綸命假守尚腰經千里寓慈言封鮓意常切祥琴不再
鼓親顏痛永訣匍匐撫前和兩棺同窆穴執紼腸寸斷
眼枯繼以血殉軀豈不能報

恩誠未竭耿耿夙夜心豈爲婚嫁畢努力持官箴庶以
闡先烈

哭蔡氏女一首

辛丑七月二日以產
難亡先吾母四日

廿四韶光一霎吹三千里外夢魂飛隨余北轍牽衣慣
贅聳南馳會面稀抱送麒麟虛吉夢摧殘蘭蕙委春暉

穿屋而飛中台坼服之乃是不祥物

豫章溝

西江澤國雨溟濛寺步門低舟可遙樓居倒挂蛟龍宮
蓼洲炊斷蕙花紅此溝東折水可殺范守刻石今利賴
太邱捐濬厥功最告良有司守勿壞

新城陳氏捐
萬金濬之

虔州早發

虎頭城外怒風號艫急如飛不可操贛石空明灘百里
儲潭深黑水三篙日光晴與波光戰炊影遙連霧影高
舟子喧呼麀午枕未妨把酒讀離騷

鬱孤臺

螺旋寸寸出遙岑有客憑高感獨深北去雙流縈昨夢
南飛一雁動孤吟浮雲望酒三年淚落日常懸萬里心
魏闕江湖何者是子牟未許結知音

瑞露軒

在南康署昔啟昆與伯兄穎園同受知於縣尹秀水葛懷古先生忽忽三十年

偶過軒頭懷人

感舊情見乎詞

曾此傳經列坐隅王喬跡已化飛鳧當年名士推諸葛
少日文章愧二蘇秋露空庭懷舊澤春風帶草沒晴蕪
平生剩有西州淚不待驅車過范湖

懷古先
止立所居

食菱二首

種熟陂塘早堆盤腹可充徵名沙角異加實雁頭同殼
綻胭脂嫩肌含白玉豐雖無屈到嗜時薦感秋風
采唱出湖邊波清味更鮮浮沈難自主圭角未能捐熟
食輸蓮蕙多餐勝豆餠却誇鴛水上刺少不輸錢

題宋立崖江干負米圖二首

饑驅章水畔纜繫綠楊陰珍重仁人粟艱難仲子心力
緣烏哺瘁夢爲白華深硯北書田好無爲陟屺吟

樹已摧喬木花猶護半襟潔餐憐爾切銜恤痛余深色

養輪三釜春暉惜寸陰迢遙雩水路悵望白雲岑

曝書

我生慚脉望文字蝕未飽束書廢不觀購書如得寶譬
彼不飲人鼻觀識香醪少從句讀師家業遺經抱一瓿
恒借鈔制藝守荒彙長讀中祕書望海歎浩渺稍稍集
陳編間亦付梨棗羣玉收難盡萬卷積嫌少捫腹愧便
便理帙敢草草徽雨愁薰蒸蝸涎亦繚繞暴之以秋陽
佳辰用乞巧竿犢俗未免羽陵事可考驅蠹等剔奸防
閑宜及早苟不慎藏弄何異一炬燎地塵松塵勤薰香

石葉小標題簽裁錦位置厨染皂讀破何曾見捻賣亦
難保究勝珠玉蓄不聞攘奪擾與我相周旋風緣尚未
了一度一開函畧觀意亦好築室駕湖上名亭學朱老

秋日閒居雜咏八首

養素園林僻居廬歲序深萬緣空俗慮十笏足清吟耕
釣安仁賦蓬蒿仲蔚心門庭風月寂久已廢昭琴

搖落三秋凜端居百感興風來無靜樹淚墜有層冰醫
乏安心藥功慚入定僧消愁書幾卷夜伴短檠燈

顧影憐宣髮韶光半百齡兒嬌纔學語女慧解溫經澗

底芝初秀窗前草自青勞形無案牘陋室勒心銘

守拙親田里逍遙異軸邁深談偕季從刻樹共羊何一

卷開冰雪三歎廢蓼莪烏啼秋更切乘月上庭柯

生計嗟何拙浮名亦太癡困行嘲蝨蠅飽食笑蛄蟹敢

學蜘蛛隱還棲蛺蝶枝觀空時佇立霜露濕前墀

種秫無多畝傳家有 賜書中年思五計好景惜三餘

怪却貪讒佞機忘子我魚修身看日晷改過未云疎

家園風味好晚食少逢迎薤菜和青煮瓠瓜帶苦烹紅

蓮收稻穉碧乳點茶鐺感物因時薦潛然痛易生

泡影浮生夢駒馳白日光蠅營隨暑退蚊嘔入秋強止
酒防支飲休糧覓祕方吾廬聊自愛獨立發清商

七夕二首

含愁弟妹感先秋世事真如水上浮

夢華錄七夕以黃蠟爲魚雁形名水

上慈母手中衣線在鄧堪重上曝衣樓

新月如鉤夜未分花瓜穀版薦續紛一生抱拙終無悔
枉費河東乞巧文

郊行二首

山多礎易潤雨氣無時無秋郊一以眺涼意生羅襦綠

被壟上草露濕畦中蔬我行不數里我僕停復與招招
舟子慣隔葉遙相呼瀾瀾泛秋水采采思紅芙蓉今無
種矣佳人渺天末佇立望何如

南國春陰多秋來亦相似十年無歉歲今年歲更美時
雨復時晴不旱亦不水款款話桑麻依依偕婦子野無
頰背憂室有披襟喜稻翻雁來紅果熟陳家紫田園信
不惡采山從此始

諫果十六韻

秋來青實墜採自粵江東苦口真爲諫嘉名獨表忠色

分烏欖異種與木威同性味餘甘子形模古弼公紛紛
輪翠棗顆顆貯筠籠含舌香逾遠批鱗義可通傾盤堆
玉綠入饌糝鹽紅最憶題軒日仍懷折檻風文官原號
果益智有同功齏齒偏宜耐回津自不窮力能消骨鯁
飲汁能治魚鯁清足潤喉嚨柳葉難連蔭離支許竝叢後來翻
處上先生者居下後者漸高遠貢定堪充膏泛兼新茗羹調伴晚

夜來香二首

溽暑薰濃次第開藤蘿月上綠陰堆水晶屏外香風起

魏帳初迎薛夜來

月令修花未識君，枳籬翠絡透氤氳。何人製就金花曲，

別有溫罨夢裏聞。

採蘭雜志：莊氏女弄琴，聞者皆云有暗香，遂稱莊暗香。因自製金花之曲。

黃半癡水雲圖歌爲宋立崖賦

黑風陣陣吹江豚，江水蒸雲雲氣屯。六幕下垂四海立，
迴互萬里相吐吞。倏忽眩轉失地軸，飛騰灑汗旋天輪。
水耶雲耶渺莫辨，但見一氣浮朝昏。黃生筆有靈縞素，
無丹青畫雲能畫影。繪水兼繪聲，暗裏蜿蜒鱷虬動耳。
邊烈烈雷霆鳴，水忽上於天。雲忽行於地，水爲雲之英。

雲爲水之氣不知都是墨光之所化元氣淋漓濕空際
宋五場屋困已久黃生贈此意良厚乘汝破浪之長風
試汝濟川之巨手風水相遭本偶然無心出岫君知否
南粵嶠北幽燕蓬飄梗泛亦隨緣如水在海雲在天囊
雲歸臥山山去快讀南華秋水篇

自題家園修禊圖二首同舍弟砥山賦

園亭美結構夙昔寄懷抱求買無百金慘淡憑意造山
夢甦春風平林散清曉門庭無雜事壺觴整頓了褰屐
攜羣從中年推二老去日日已多良會不可少柔茵藉

落花縣韻聽嚶鳥流波析羽飛茶具都籃小四事古難
并異時思遠道壬寅三月三記取勿草草

昔日蘭亭讌四十有一人茲與永和異皆我同氣親兄
弟爲朋友酬酢無主賓依依洛水禊藹藹一家春詩成
阿買寫諸子觀逡巡嬌女亦解事挈弟看停雲從孫已
鵝立注視波粼粼童僕四五輩盤筯羅續紛已見三世
聚未奉雙親輪春暉報罔極掩卷一愴神

家廟初成致祭

聖主恩深荷賜環圭田半頃沐匪頒勝衣稚子初隨拜

尚齒宗人特異班千里藻蘋虛寢薦十年寤寐感親顏
鸞封錦軸重開讀醜酒泉臺淚獨潛

拜四世遺像敬題十六韻

我之高曾祖兩世皆不仕人欽通德門宅近芙蓉並大

父生

昌期

順治七年庚寅生

嘉行紀惇史儒術用起家文章

追正始廣文拜一官東山病不起是時吾父幼問年逾

一紀詩書念手澤好音接泮水秋闈戰不售初服守內

美吾母古孟光椎髻相夫子不及事姑嫜孝思播鄰里

昆也沐餘蔭策名成進士中外官廿年瞻望陟岵屺兩

代荷

鸞書三度承

恩旨祖顏既未親親容復逝矣范喬哀有餘臯魚痛何已展像日焚香揮淚濕暉紙

六月十四日先嚴誕辰

壽生古未有何況非生年冥懺誦經咒俗尚恒相沿佞佛吾何敢奠醴涕漣漣往歲維協洽周甲亦重懸薰風敞官閣賓從皆俊賢掾吏前致詞兼金奉壽筵嚴命諄且切毋使污官聯錦字却屏障法曲空管絃時有運銅

令萬里來黔滇舟溺不能進囊盡行迤邐違程挂吏議
雉經拚軀捐大人心憫惻曰曷拯顛連座客欣聞命朱
提助盈千令乃蹶然起歲事達幽燕至今都人士萬口
猶播傳沈吟思往事忽忽十年前厚德合延算胡竟悲
重泉跪拜偕子姪肴饌羅豆籩杯捲撫悽惻事死如生
然

壬寅初度日自述二首

過烏光陰速蹉跎四十餘

主恩身未報子舍職全虛
樞下憐駑馬花前憶鹿車
所

生尚無忝匪懈勉何如

南轅兼北轍總向客中過今日家庭集翻添別緒多秋
風生早桂夜雨聽枯荷此會非人力孔懷唐棣歌

壬寅中秋夜招集弟姪飲蘇潭書屋陳東川宋
雨宜在座卽席賦長歌竝邀和作

芙蓉江上中秋月二十一年逢一回縱再百歲止五度
何況電掣流光催前年宣州北樓上有酒無月臨深杯
去年有月不舉酒照我素衣白皚皚今宵季從集我室
謂我久別當追陪團圓坐定忽棖觸長筵猶似當時開

是夜癡慕掩玉兔欲吐不吐光徘徊須臾依舊露皎潔
似爲數子舒幽懷其時漏靜月正午雲卷萬里無纖埃
清音寥寥過嶺雁落葉淅淅飄庭槐羽曲無聲度下界
瓊樓望處移杓魁寒蛩依人入戶宇獨鶴刷羽思蓬萊
屈原弟子善秋賦西風蕭瑟吹蘭臺坐中況有碎琴客
水調難禁歌莫哀停觴不御各惆悵紛拏舊緒胸中來
奚童侍立不解事夜深頭觸屏風墮鄰雞喔喔耿不寐
仰看月落橫天街

壬寅除夕

杜絕言不集卷三
丈夫隨處便爲家，赴壑流年感鬢華。
自笑攜孳如蝨蝨，相依僦屋似盤蝸。
田無半頃炊常冷，書有雙瓶酒可賒。
饋歲辛盤無意緒，惟餘紙帳伴梅花。

友人餉秋白梨二首

品與哀家埒，根連贛水生。
如何秋露白，却入夏盤清。
爭啖喧兒輩，蠲煩慰長卿。
應從道安座，剖割學均平。

宛陵前歲種，却饋豈懲貪。
老腹何曾飫，民園恐不堪。
包苴官守重，嗜好故人諳。
鄉物多年別，初嘗味轉甘。

宣城產梨

歲採數千枚，分致上官，余悉屏絕。懼爲民累也，因物興懷，附識於此。

茉莉花二首

九里花田近可尋

廣南九里花田盡種茉莉

搓瓊丸麝惜芳心素衣

不是薰香客白玉搔頭未敢簪

筠籃巧簇賣花棚夢裏江南喚一聲綃帳如烟簾如水
橫塘燈火夜三更

書香樹齋詩集後

傳說星騎大耋時仙班供奉際

昌期禁中人識銅山句江上情移鼓瑟時支派敢言衣

鉢繼淵源痛觸寢門悲

座主錢文敏公出先生之門

東南一老全終

始報國文章

聖主知

得吳夔菴自宣州幕所寄書詩以報之

昨夜屋梁月照人清不眠晨興聞剝啄伴人在我前
相別時無多相思字滿紙械開敬亭雲泪漬宛溪水
上言多轆軻憫我命不辰下言營免裘勸我早卜鄰
鮎魚一何滯鳩性一何拙竹竿上未能巢居計轉切
寥寥天壤間異姓有兄弟豈惟交老蒼且復資礪砥
感于意綢繆念子心悽惻憂忠繫驚魂扶持賴定力

吳江楓葉冷粵嶠雁行疎贈我錦繡段報以貂襜褕
鯉魚風信到所思在遠道鼓棹南泉莊攜兒拜龐老

種樹篇自題小影

一樹一穫者穀一樹十穫者木惟人也乃一樹而百年

其卜

一解

何以樹之雲行雨施百昌皆作畚鍤及時

二解不

擇而樹棘薪其敗之鹵莽而樹風雨其壤之既匡既剔

勿剪勿拜盡心焉勿及於懈

三解

樹可嫁春回野長鬚奴

色渥赭聲邪許林之下望百圍先拱把不棲鴉待繫馬

四解科頭老子意匠經營手揮目送日暖風清老圃要學

借我添丁窗前生意四時皆呈

五解

得天之時因地之利

體物之性盡人之義都欲使其佳而猥曰何與吾事

六解

桂之困困桐之離離麟之師師鳳之儀儀爰集爰止我

室攸宜惟木之擇匪枳棘之棲

七解

樹本無樹種亦無邊

靈芽蘖蘖方寸之田可以齊物可以延年蓋汜勝之書

不能宣而郭橐駝莫得而傳焉

八解

釋服日上塚愴然有作示做逸弟及諸子四首

昨發南浦濱言尋故山路跋涉輕千里星迴已三度松
楸鬱爲林淒切感霜露鼓瑟不成聲餘淚和酒注首容

日以遠夢寐一相遇難釋百年哀永結終身慕

昔往冬未徂今來及茲晨同行二三輩又作泉下人執
手顧老弟相見毋辭頻遷喬豈得已援我無周親二繼
在襁褓哺養盡苦辛佇望能勝衣隨我真藜藿

新草被宿壟來徑識舊陌濛濛寒霧薄藹藹村煙積老
農顧我笑謂是遠歸客面目帶緇塵鬢髮未班白款畱
煮山薺儻從羅土席昏鴉林外歸落葉滿衣幘

老驥伏皂櫪長鳴志千里誓墓我何敢報

恩誠未已吹薺恒自懲見獵又心喜白雲無定跡時行

亦時止再拜訂後期享祀所沒齒攬涕辭高阡日暮悲
風起

蘇潭草中

南康謝啟昆蘇潭

蘇潭雜咏四首

井邑喧春到溪山倒影奇
歸田慕平子學圃笑樊遲
人語秋林外蟬吟夕照時
道書慵展讀日晏坐支頤
新詩初上板勘史更開亭
花好宜浮白草長未踏青
石牀雷皓月蘿徑簇春星
事簡翻遲睡開尊醉復醒
看雲倚午枕留客點春茶
對鏡頭驚雪觀書目眩花
弟兄簾畔竹朋友手中沙
且盡園林趣吾生未有涯

琴匣展新月藥籬鳴曉天池花香茵茵院竹韻嬋娟雙
棹鷗波槩一簑漁浦煙梅花供紙帳亭畔鶴同眠

癸卯十一月十八日冒雪至西湖

畫橈輕泛雪晴天我與湖山信有緣他日

皇恩容小住鴻泥畱印六橋邊

二十日遊龍井遂至天竺靈隱由南屏而歸

寒日半晴陰理策尋真宅湖光冷潑面天風倒吹幘石
磴滑層冰松梢落殘雪入門聽泉聲尋源到山脊潺湲
十二時懸崖一千尺淳滋功德水寒沍不能結一掬烹

紫葍冰心靜與適成韻風篁清如雲片石積氣欲吞明
湖勢已控全浙取道樟樹嶺萬峯羅几席一徑通天竺
夢泉發新蹟三制軍寶新浚遂造飛來峯古洞深曲折時逢半
子初天心露一隙峯有見天心穴前一日爲冬至泐然遺世情塵鞅此
焉息晚飯南屏鐘禪燈耿初夕

西湖打魚歌四首

鳴榔初日上小艇破煙飛臨流有欣羨風波無是非
湖河饜若魚湖中味尤美長歌弄月歸或是天隨子
昨夜管絃隊畫船秉樺燭驚起白鷗眠曉夢湖山綠

天暖得魚易天寒得魚難何如袖手者得失等閒看

留別吳夔菴

一日不見如三秋何況別子歲一周朔風斜日暮湖上
打漿迎我吳江頭攜手共溯南泉水家童掃徑倒雙履
梅花道人善養花骨冷香寒稱去聲知己門無剝啄省逢

迎日高惟聽讀書聲龐公座上忘賓主坡老平生有弟

兄謂令弟健行何日結鄰遂初約白水青松信有託此後相

思何處寄珠簾暮雨倚高閣

廣信道中

載途雨雪逢前度今日新晴問故津山似狡狴壓帆頂
石堆鷺子礙船唇人家飽飫霜秫白估客頻收紫薜春
願假東風相送便滕王閣上盼歸人

瑞洪湖

水遠湖平颭碧天浴鳧飛鷺晚風前霞光凌亂金波碎
四面魚舟撒網圓

舟抵豫章

作客曲江邊槎回雪後天家移千里近歸及早春前瘖
瘖因風雨經營愧粥餽候門兒女輩問事夜深眠

贈熊蔚亭

憶昔歲在卯京洛識君始君司分白雲我職校青史官
局既有常會面無多子一麾守淮海相望天尺咫坎坷
纏我身噩夢中夜起踉蹌救急難誼與手足比是時朔
風號雪花擁敝屣寒燈相慰藉濁酒呼燕市賜環遄南
征起廢被

恩旨君旋刺西涼劍鏑試新砥活人起瘡痍驅蠹詰奸
宄期月報政成首郡特簡委推賢大吏明入

奏

聖心喜秋風痛陟岵秦人失怙恃聲出通寤寐鴻雁滯
雲水我昨廢蓼莪君亦返桑梓素衣一相見執手淚如
泚人生重意氣結言要生死長才慎讞獄嘉肺達精理
出承

天子命行爲國之紀走也襪線材躡躅筮羸豕人境結
茅屋蓬蒿守素履遲君孺子亭盟我東湖渌

題四弟砥山課孫圖

吾弟止一子繞膝有雙孫大孫初受書日誦數百言次
孫亦秀發蘭蕙茁吾門乃翁方黑頭寶之勝璵璠仍用

過庭訓不恃含飴恩我年已半百兩兒如犬豚齒視汝
孫幼質弱識則昏未可受督責但要培根原他時共肄
業一堂誼須敦棗栗分玩弄詩書互討論吾言重貽厥
長大期無護

寄和翁覃溪師蘇潭歌

夫子橐筆官春坊燕雲極目天衢長參辰錯落不相見
末由奉杖聯匡牀風雨舊約未敢負如鳥依樹葵傾陽
前年誅茆闢三徑一瓣遠紹詞林香步蘇有井源可溯
寶蘇有室情難忘空潭半畝照華月薤篆兩字輝文昌

師門偈語信前定似啟雲笈披金琅摩挲片石隔千里
懷人撫景遙相望憶昔瀛洲繼仙履冬爐夏篔同溫涼
眉山拈句識詩派河伯向若知大方宦遊飄泊十五載
意蘖失養珠淪光退鷁因風墮雲外枯魚臥轍悲道傍
灌嬰城隅一枝寄手口盡瘁營飭程潭上十笏可容膝
潭中尋尺誰能量海角天涯地可接心印符契垂千霜
退谷愚溪漫浴襲顧名思義無相妨天末寒生一雁度
簡書北睇思茫茫安得皇華駐車蓋同侍函席流羽觴
墨妙新詩撫且誦驛使迢遞安能將臨流對影觸離思

秋風遠夢回虛堂

詩作於丙午又七月時有夫子典試
兩江之信既而不果故末段及之越

兩月而有視學此邦之

命詩若有識然

敬錄元唱

謝郎昔居蘇步坊嶺梅寄我關山長我度嶺南君在
北每託蘇句懷聯牀及我北歸席未暖君又南去官
丹陽戊戌訪我寶蘇室擘窠爲爾拈瓣香明年秋共
織山宿夜話此約何時忘彈指七春不相見君始卜
築於西昌前言果踐潭半畝潭上榜此鐫琳琅對石
懷人尋舊夢倚欄照影踟躕望念我蘇齋風雨夕竹

窗梧葉同初涼玉局散仙千載上宣城太守天一
空潭無雲寫圓鏡明月一印千燈光知我四壁寂何
有但有篆裊茶甌旁磨墨分襟論臭味吐壺擊節增
仿俚畏我友朋真實語寸心得失誰評量但要此心
息壤在何限石蜜冰盤霜因流溯源道豈遠飲水知
味飢何妨吾齋年少舊侶少耽思旁訊空茫茫常恐
小安一藝末便爾辜負千酌觴吾友亦到知非歲寸
陰共矢勤就將何論官舍與僑寓日日千里如同堂
輓蔣心餘先生八首

藏園花塢勝藏春杖履追陪笑語親痛哭車迴城畔路
柳風荷雨劇傷神

長身病鶴貌清癯飲猶堪御板輿今日牡丹花事盡

粉籤零落數行書

去年三月二十六日先生與袁簡齋先生集余香雲書屋賞牡丹先生以

筆代舌歡賞竟日而罷今牡丹開而先生逝矣

領袖仙班二十年循陔爲補白華篇流傳宮禁呼才子

垂老仍邀

聖主憐

上垂詢彭雲楣冢宰江
西有二才子以公配冢宰也

簪毫重上綠槐廳給諫名還記

御屏氣節文章真不愧相公老眼爲君青

節相尹文端公以文章氣

節題額

贈公

詩派西江出匠心漫隨唐宋託知音諸郎珍重編遺集

屬纊猶思一展吟

先生病篤索藏園集置枕函餘無所言

畫簾紅燭寫烏絲樂府矜傳絕妙詞都是一腔忠孝淚
休將郢曲付歌兒

不須搔首問蒼冥鬼伯招延信有靈地下閻羅虛左席

天邊冊府墮文星

先生有夢爲閻羅之事

離垢應知解脫輕

先生存日命余書離垢方丈字懸於寢榻

去來無礙證三

生電光下徹香車擁驗取驚雷第幾聲

公之生也冬雷鳴卒之日雷轟

三聲而逝

題陳意軒錦江春夢圖

蜀江流不盡萬斛旅愁生落日鴛湖冢春風杜宇聲廿年思撰杖匹馬記從征往事真成夢蒼茫絕塞情

戴殿撰蓮士假歸省親過訪小齋賦贈一律

錦帆風送泊章門子舍心懸矢清溫入座衣香畱畫省堆牀玉笏照清尊誅茅喜共灌嬰井埽徑時過杜老村十載辰參今接席草堂燒燭與重論

彭研三爲侯心齋畫東籬采菊便面屬題二絕

卽送心齋歸無錫

花落無言意淡如詩人高格本相於金英碎翦填成句
時有幽香帶露書

後堂絲竹命彭宣墨妙如傳述酒篇帆到錫山秋已過
霜華畱向素紈鮮

蘭

別苑榮分九畹滋盎益胎贈出同枝階前種好傳家物
池上春生夢客兒雜佩容與初服咏叢芽愛護角弓詩

憐余芳氣菲菲襲曲檻風來小立時

山莊卽事

風吹茅屋捲三重二月寒深樹有淞晚徑梅花明似月
春畦雪片大於冬故人疎遠非多病瘠土艱難敢自慵
越陌度阡緣底事欲修襖襪事耕農

奉和覃溪師樂化驛館見酬之作二首

簡札篇章數往還使星今喜渡河關初心息壤終無負
畫閣同看雨後山

城南聯句寫烏絲十五年前賦別時今日對牀風雪暮

唱酬要續卷中詩

敬錄原唱

喚我瀛洲舊夢還
夜涼星斗聚江關
蘇潭正有閒雲
在只恐閒雲又出山

故人雙鬢未成絲
似否城南翦燭時
篋裏道園山谷
法對牀聽雨要論詩

丁未春日重游浙江雲林寺

一鷲凌風落檻前
夜吟疑鬼復疑仙
石巖孕月包靈氣
乳穴穿雲漏碧天
覆地如秋簷外樹
飛空作雨洞中泉

宰官漫向亭陰坐，吹冷松濤不得眠。

覃溪師以荔支分餉賦謝一首

內熱難消溽暑天，堆盤忽見蚌珠圓。黃封碧甕來千里。

香煖紅塵記八年。

夫子視學粵東者八載

霜雪粗梨空自困。

東坡詩霜

雪白用粗梨粗

江鄉聚粟未能先，何時過嶺親移植。飽摘園林

帶露鮮

聞近日南安有移種者

題吳映帆春畦課耕圖二首

茅屋三間樹作籬，春鉏喚夢曉窗知。東風綠到鴛湖片。

正是秧鍼刺水時。

躡屣飢驅事偶然
研農耕石本無田
傳家終賴著書好
深裏山前抱犢眠

送凌仲子之河南

淮南旅館乍班荆
說項逢人似舊盟
三禮釋文曾貫弗

仲子新撰禮經釋名

千篇詞賦氣縱橫
秋風陳榻懸高士
雪夜梁

園遲長卿笑爾彭
湖空鼓棹匡廬面目未分明

時約從潭溪師

遊廬山仲子以往中州不果

九月二日同萬伊田熊蔚亭程氏園探桂花

何處妙香送不知
花滿林徑開黃葉
掃門掩白雲
深秋

健詩人骨天高野鶴心行藏各有託漫效小山吟

伊田與余

方賦開居而蔚亭將出而爲世用也

重陽日邀胡維君朱瑤圃小飲卽席口占兼示

外甥應三兒子學增

招爽臺高倚落霞鯉魚風起客思家座中舊雨連新雨
江上蘆花又荻花乞墅人偏工賭酒題糕兒亦學塗鴉
預憂兩鬢成霜雪黃菊枝枝插帽斜

同胡維君鄰園看菊購數本以歸口占二首

風雨園丁護短籬青錢三百買花枝但逢笑口銜杯日

不見低頭捉蠹時

下下高高挂絲籤
筒磁盎一時添
最憐寒蝶殷
勒意花擔隨人入
畫簾

題書賈王某讀書樓圖二首

雲林

金谿山名

皮閣起層層
萬卷堆來似羽陵
三十六峯風

雪暮隔林人指讀書燈

偶向羣塵借一枝
撫州善本漫居奇
移家我與春明近
馬後攜來一兩緘

題吳淵穎先生詩卷真蹟後

詩三十韻贈柳道傳博士未有聖朝

如薦士江漢有垂綸之句先生廿四世孫嘉興
吳映帆得此卷於邗江丙午冬映帆從潭溪師
校士西江出
此卷索題

吾師昔贈淵穎詩今日忽逢淵穎筆深裏菴中高臥時
想見長吟腕書疾胸羅萬卷行萬里歸來詩成十番紙
已教奴隸命風騷要使枕葑皆經史奉常博士丈人行
送遠懷人互酬唱五泄山頭紀勝遊舌捲西江句奇壯
別來京國凡幾秋却從松隱寄綢繆錯落驪珠三百顆
墨光黯淡蟠蛟虬存心堂已成陳跡鴛水孫猶珍手澤
校士南州徐榻間翰墨精靈似曾識搜巖剔穴起沈淪

豈獨江漢有垂綸哦詩展卷三歎息興觸江湖散髮人

覃溪師摹得陳大士先生手跡倩門下士張宋
二君寫臨川屋梁圖

牀上著書仰看屋書成底用高閣束大士於文乃天授
下筆何啻三千牘婁東令君謁選時復社評論久膺服
梁上之物最難忘萬丈光芒斗牛燭撫州寫本古所稀
遺稿何人珍敝篋蘇齋弟子亦好事補樹添苔共一幅
想見先生思湧泉落紙堆牀動盈軸落月依稀顏色親
遺響礪碩振空谷淋漓元氣問真宰幾時來假山窗宿

題胡雒君匡廬識面圖

廬阜如高人偃蹇不肯卽
高人自與名山親元氣蒼茫
畫不得雒君本奇士眼爲茲
山青橫峯側嶺看不定夕
陽徙倚空江亭青山貺我非
姿媚我與匡君締交誼詩
歌直接白雲謠姓氏重鑱玉
淵字江聲九派侵山麓倒
影明湖開面目石梁飛瀑瀉
銀河華蓋香爐削寒玉昨夜
夢中招五老欲採琪花愁遠
道青蓮白傅不歸來山色山
容向誰好家住龍眠皖山口
挂席千里溯江右閒雲飛鳥
契初心壘嶂屏風歸妙手蜜
脾五百僧房布不

知題詩在何處君寡宦情何太忙盍不停驂聊淹駐勸
君未用買山錢好景過眼如雲煙尚書禹貢君能箋與
君試尋數淺原

重陽前二日得舍弟砥山書詩以報之

垂老那堪賦索居菊花霜信到庭除一行夢斷南飛雁
千里書遲上水魚日晏園亭疎應接年豐村落少追胥
知君怕作登高會九日山頭南康山名苦憶予

重陽前一日邀萬伊田陳丹山熊蔚亭蔣氏兄
弟集香雲書屋看桂花卽送蔣大湘雪赴都

十笏之地蕃草木木穉四本高刺屋主人築室今五載
花與周旋漸已熟今秋不雨花事遲欲開未開半脫粟
露華昨夜滋老枝黃雪千層射朝旭天風吹送羣仙來
衣袂香生小山麓白頭飛鳥王子喬虬髯太守蘇玉局
孟公驚座超等倫二仲論心接芳躅松間麈尾飛落英
禪榻茶煙裊空綠羹魚飯稻歡屢豐瓠俎陶盤愧粗俗
酒闌忽唱黃鸝歌雲外如聽羽衣曲三年霜月棲夜鳥
萬里飛鳴志鴻鵠嗟哉蔣生才不羈有弟二人邁二陸
君獨三十不一第簿領那堪縛驥足看君走馬登燕臺

笑我考盤在邁軸明年幾人同插萸佳日東籬共採菊
淮南招汝漫歸來玉斧月輪手新斲

大安寺鐵香鑪歌

夏日訪古東湖邊虎兒鐘仰高樓懸誰知此鑪委荆棘
紀年乃在南唐前萬姓聚鐵逾萬石上爲國主資佛力
府尊令公果何人想是太尉中書職按十國春秋徐知
誥封豫章公太和

三年以太尉中書令出鎮金陵朱
竹垞以令公屬知誥理或然也

東海鯉魚天上飛西

江楊花連李枝童謠已應昇元讖虛器終隨國祚移
佞佛衣冠混巾幗竹垞譏評笑耳食誤認洪州作昇州
譌

將鐵及書鐵仄

按竹垞跋語有云大安寺金陵梵刹志不載蓋不知其在江西也又云收買鐵

仄錢打造按鐵上無此文止未幅云造大尉用釘二萬口共綠化得鐵及錢收買共計用鐵一千四百斤打造上殿使用竹垞蓋誤前吳後吳要徵信赤烏大和安可

以鐵及為鐵仄也

秦天馬雲龍現化身華蓋爐峰分紫暈登高節過尋招

提破窗竹屋風淒淒題名尚記古安息捨宅仍傳晉鑑

西按省志安息王太子安世高來止於此遂名大安寺又云晉鎮西將軍捨宅為之今寺中猶奉將軍神位為古源三溪謝氏家巷君看鑑腳蓮花缺字畫天斜半

則捨宅之說似可信

漫滅篆煙已化劫後灰杯水能起蒼生瘠爐中有水清冽異常寺僧

云可以療病 人生不及汝壽堅高歌碎擊如意鐵

和萬芝堂見贈元韻二首

賜珎

恩深等 賜環白頭歸里得追攀
暫移小榻湖邊閣同看浮雲夢裏山
雁落虛弓驚曲木鷓逢舊侶憶清班
風流前輩開吟社唱和詩成待手刪

文獻能徵鮮愧辭宮牆逐隊燕參差

時與芝堂同修南昌郡志局設南昌

縣冰心對影梅花共藻思先春帶草知
交喜二蘇無裕

韻才慚七子亦多師

同事八人令弟伊田與焉

豫章舊記今存否博

訪兼收敢見遺

贈胡雒君二首

龍眠老屋臥三間，崇論高文不可攀。地按桑經工注水，

跡徵禹貢更圖山。

君撰山川志爲圖說考據甚詳

尋春古寺紆鞦角，過

雨幽軒潤扈班。賸欲與君商夙業，魏收穢史要重刪。

時與

君有補魏書之約

刊落倚紅刻翠辭，看朱成碧易參差。家無長物甘棠在，

書有泉河舊史知。

君六世祖任江西布政司參政著泉河史十五卷載明史藝文志

宅

傍環山饒畫本游，從廬岳叩尊師。

新繪匡廬識而圖

今年秋賦

葩經重一卷，笙詩試補遺。

止已日萬芝堂招同人禊飲東湖拈韻得之字

二首

風日半陰霽招我東湖湄天光抱瓊臺樹影皆倒垂虹
橋偃十丈界破青玻璃楊絲下踈地絛羽鳴高枝我邦
禁遊冶不慣士女嬉塗無鈿車跡岸有簪笛吹吾輩交
字飲同來鑑鬚眉校讎旣多暇選勝理無遺徒倚高士
亭採隱非所期敷牀坐快閣析波浮羽卮我雖不御酒
時復一中之

稽亭少長客十六不成詩茲會未及半各各撚吟髭燕

驥老伏櫪

張澣雅

桂林馨一枝

朱鏡雲

龍眠有奇士

胡維君

豫

章多異姿

同里諸公

如踐息壤盟不遠千里馳尚論挾古史

析理解人頤墨瀋澆衫袖茶煙吹鬢絲須臾雲脚合空

濛畫圖披喚渡少舟楫展齒沾不辭搏沙莫放手解佩

安所之年年采芳杜白水以爲期

覃溪師寄示蘇步坊詩敬次原韻

先生詩接大蘇名兩度高軒過錦城

南康號芙蓉城

舊井源通

章貢水新潭銘繫梓桑情

坊有蘇步非昆南昌新居師取以名潭

坊如履

道留先澤地是懷賢結素盟半榻春風寶蘇室

師齋名依

依遠夢昨宵生

題朱鏡雲紅燭修書圖四首

金蓮撒自五雲端萬卷猶勞下直看却爲多情辭半臂
春宵白袷不知寒

寶鴨香沈碧篆疎墨丸研試女相如夏侯簾捲光如晝
不是金莖月上初

敬則家傳董狐筆次宗新補豫章書題成側理三千軸
紅杏春詞定不如

我亦蓬萊舊列仙人間謫住十三年羨君簡札頌天

上書局仍隨粵水船